

Namołwa němskich biskopow ke kolekće za zjězd katolikow 2024

Lube sotry a lubi bratřa!

Wot 29. meje do 2. junija 2024 wotměje so w Erfurće 103. zjězd katolikow Němskeje. Zetkanje steji lětsa pod hesłom „Pokojny čłowjek ma přichod“ (Ps 37,37). Psalmowe słowo zdawa so bóle hodźace so być hač hdy hewak. Konfrontowani z trajacymi wójnami w Ukrainje, na Bliskim wuchodze a na mnohich druhich městnach je wołanje za měrliwej zhromadnosću tak sylne kaž zředka w młódšej zaštosći. Zdobom nas krizy w swójskim kraju wužaduja. Wšo to da přichod njewěsty być. Křesćanki a křesćenjo srjedźoněmskeje diaspory budu z hosćimi ze wšeje Němskeje zhromadnje diskutujo a na so słuchajo za pućemi za sprawny a měrliwy přichod pytać. Bože služby swjećo, zetkawajo so a słuchajo na Bože słowo stanje so zjězd katolikow tež lětsa ze swjedženjom wěry a wzajomneho posylnjenja.

Zjězd katolikow je z hosćom w Erfurće. Tam nječaka na Was jenož kaž molowana kulisa historisce wuznamneho města, ale Was wočakuja předewšěm ludžo w Erfurtskim biskopstwje. Katolikowki a katolikojo w srjedźnej Němskej su swěrní swědkojo ewangelija. Mnozy angažowachu so tež w časach potłóčowanja za sprawnu towaršnosć a wozjewjachu tak dobre poselstwo. Skónčnje mějachu mnohe křesćanki a mnozy křesćenjo rozsudny podžěl na měrliwej rewoluciji před nimale dokładnje 35 lětami. Katolikowki a katolikojo tohole biskopstwa su džensa drje w diasporje žiwi, woni su přiwsěm angažowani a wjesote póstanče a wjeseli póstancy našeje wěry. Lube sotry a lubi bratřa, někotři z Was su wobdželenje na tutym swjedženju wěry hižo zaplanowali. Tola tež hdyž so wosobinsce w Erfurće zjězdze wobdžělic njemóžeće, Was wutrobnje wo podpěru prosymy. Zjězd katolikow je widžomny wuraz zamołwitosće wšitkich katolikowkow a katolikow za cyrkej a towaršnosć. Modlo so a darujo pomhaće, zo móže so zjězd katolikow daloko za mjezami Durinskeje ze swědčenjom za našu wěru stać.

Würzburg, 20. nowembra 2023

Za Drježdžansko-Mišnjanske biskopstwo
+ Heinrich Timmerevers
Drježdžansko-Mišnjanski biskop